

新都縣志卷三十八

人物志

漢

楊統字仲通新都人事華里先生交高高戒統曰漢九世王出圖書與卿適應之建武初天下求能通內識二卷者不得永平中刺史張志舉統方正司徒魯恭辟掾與恭共定音律上家法章句及二卷解說遷侍中光祿大夫以年老道深養於辟雍授几杖為三老卒內識二卷竟未詳

華陽國志

新都縣志

卷三十八

人物

楊博統長子字仲達官至元祿大夫

華陽國志

李尤字伯仁新都人少以文章顯名侍中賈逵

薦尤有相如揚雄之才明帝召作東觀辟雍等賦拜諫議大夫太子廢為濟陰王尤上書切諫順帝立遷安樂相尤與劉珍共撰漢紀又所著詩賦銘誄頌七嘆哀典凡二十八篇

通志

諒輔字漢儒新都人為郡五官掾時天大旱乃祝曰輔不能進諫納忠薦賢退惡至今天地降災咎在我乎若日中不雨乞以身自焚頃之雲合雨

澍一郡霑洽 通志

翟 酺字子超新都人四世傳詩酺尤善老子及圖緯天文歷算徵拜議郎遷侍中安帝時元舅耿寶及皇后子弟閭顯等並用威權酺上疏切諫不省出為酒泉太守擊殺叛羌威名大振遷京兆尹順帝即位拜光祿大夫遷將作大匠屢因災異多所匡正以忤權貴罷歸 通志

段 恭字節英新都人少周流七十餘郡求師受學經三十年凡事馮翊駱異孫泰山彥之章渤海

新都縣志 卷三十八

人物 二

紀叔陽遂明天文二卷東平虞叔雅學絕高當世遂遊於蜀恭以朋友禮待之後為上計掾會有司劾太尉龐參兼舉茂才孝廉參性忠正亮直為貴戚所擯以恚發病遠近稱冤恭不能耐其狂抗疏表參忠直不當以讒佞傷毀忠正帝悟即日召西曹掾問疾尋羊酒慰勞參忠 華陽國志

董 扶字茂安蜀志作新都人通志作蜀郡人兼通數經善歐陽尚書又事聘君楊厚究極圖讖至京師遊覽太學還鄉教授弟子靈帝徵拜侍中在

朝稱為儒宗甚見器重尋為蜀郡屬國都尉年八十二卒始扶發詞抗論益部少雙故號曰至止言人莫能當所至而設止也後丞相亮問秦處以扶所長慮曰董扶能褒秋毫之善貶纖芥之惡

通志

宋

鄧應午字明父新都人進士初為高博尉時潰卒近境人情洶洶應午督兵守禦乃定歲大疫市藥散賑不遺餘力郡有疑獄一訊立辨嘗攝令通泉芟吏弊免逋租後為華陽丞

通志

新都縣志

卷三十八

人物

三

明

楊觀新都人正統中進士任御史調蒲城知縣新都舉進士自觀始居官行已卓有聲稱

通志

楊玫新都人先世居楚元末有避亂入蜀者嘗活數百人即其鼻祖也玫以監生授永寧吏目公廉平恕州地廣人稀招佃隣境與土民共耕而收其租隣守請納厚價買之玫時署州印持不可曰他日生齒漸繁吾不為怨首乎後知州至卒如其請分價數百以遺玫玫不受後卒於官長子次子

繼逝餘子俱幼妻熊氏護三喪還中途阻兵僑寓
三年乃得歸家熊性嚴有德以義方教後人故子
孫多顯官玟屢贈少保文淵閣大學士 通志

楊廷和字介夫新都人成化中以奇童中鄉試弱
冠登進士官翰林檢討歷陞翰林學士兼戶部侍
郎為劉瑾所嫉改調南京後召拜華蓋殿大學士
兼吏部尚書與梁儲蔣冕同心輔政武宗無後廷
和議迎立肅宗登極後旋以議禮落職廷和怡然
歸里卒於家隆慶初追復其官諡文忠 通志

新都縣志

卷三十八

人物

四

楊慎號升菴新都人太師廷和子少穎悟七歲
作弔古戰場文人爭傳誦正德庚辰進士殿試第
一授修撰嘉靖初議大禮伏闕泣諫廷杖幾絕已
謫戍滇南慷慨就道蠻荒遠地手不釋卷晚年學
益博著述益富隆慶初詔徵命下慎已卒贈光祿
少卿所著書四百餘種盛行於世 通志

湯仰新都人進士任部郎出於衢州府累官布
政使惠政流聞致仕歸仕宦三十年囊無餘蓄座
有銘曰勢無使盡福無享盡事無做盡言無道盡

以此養德庶幾身潤延及子孫亦有餘慶此可見其大都云

通志

楊有仁廷和之孫登進士即具疏論時相以母老不果上鄒元標廷杖歸衆莫敢問視有仁獨送之國門以行人選侍御史抗論不避權勢累遷河南僉事遂拂衣歸居鄉清儉雖出相門無異寒士

通志

楊宗吾廷和曾孫以仲子官錦衣指揮開採中州不欲煩民抗章求罷禍幾不測然中州竟藉以罷役初與監璫同事璫橫甚宗吾屢上疏劾之由是

新都縣志

卷三十八

人物

五

權璫歛迹中州人甚感其惠

通志

國朝

楊鳳岡字羽聖新都人束髮受書姿格清竒年十二即入庠為諸生康熙甲午舉於鄉乙未成進士維時同入翰林者其年最少父敬宰慮其弱冠同居京師者三年及父病請假扶父歸劍南明年復入京拔擢檢討鄉會兩闈皆授同考官思念親老以烏私上達請歸終養父卒因哀毀甚而繼亡一時人士莫不扼腕蓋初喜其知遇之早而終悲其

壽之不永也

楊鳳庭字瑞虞新都人中乾隆丙辰鄉試賦性清
竒博覽羣書尤好易及北上京闈歷名山大川所
見益廣常揮霍自如不事家計晚年留心靜養與
諸生談道終日不倦閒究岐黃之術 督憲黃公
以為和緩復生 威信公岳亦贈聯云大中理學
先明道老髯文章接潁濱年七十餘勃勃有慧業
先機入灌城棲鳳山以終老

高文芳字蘭谷新都人乾隆丁卯舉於鄉戊辰成

新都縣志

卷三十八

人物

六

進士少孤家貧勵志潛修及登第擢叙州府教授
選廣西懷遠縣知縣甫經五載請養回家愛日承
歡者十有五年母九十五卒服闋原應遵例自恐
力衰難膺民社復補松潘教授十載告休年八十
有二生平清潔自愛孝友居心見者無不慕其有
溫厚和平之度

傅宗元字勳化新都人乾隆甲子舉於鄉癸未進
士選授湖北武昌縣知縣下車立教訓農興利除
弊時上憲以能負目之訟獄廉平不屈民隱甫一

載卒於官

李珪字貫之新都人乾隆戊子舉於鄉穎悟異常少好讀書常以淡泊自樂不慕榮利邑令延請主書院惟知講習不干外事於乙巳歲恭逢

高宗純皇帝舉行千叟宴時年望七以子陽棫官御史受五品封得與宴蒙

恩賚賜詩章杖珠服物優游梓里有古先生風孫于廷頌戊辰鄉薦

李陽棫字尚菁新都人壬辰進士歷官御史郡守

新都縣志

卷三十八

人物

七

生而穎異積學勵行通籍後清風亮節震耀一時服官中外垂四十年無不可質盈廷乎輿論耿介浚泊終始不渝解組後猶手一卷書惟以忠孝勸勉後人都人士奉為矜式至今士林以尚菁先生稱之其子于謹邑廩生于章邑增生于廷中戊辰鄉試

高明遠字靜一號敬亭聰穎絕人入邑庠貢成均淹通經史孝友性成克承先業以忠孝勸誡後人性尤樂善好施人有急赴寒衣饑食病與貲藥不

能葬者給棺槨邑中名蹟傾圮常補葺之曾以常稔田四十餘畝益養濟院惇獨之食邑令王明府達其事於大吏高風懿行為當代所重好吟詠寓意深遠不為風雲月露詞由其抱負不凡也年七十四卒邑人士至今咸稱道之以子樞官刑部郎中晉封三品中議大夫

李陽烈字象乾邑人賦性孝友聰穎剛直勵志篤行人以國士目之弱冠入邑庠六赴棘闈屢薦不售遂不作出世想娶陳氏生子二怙恃兩失哀禮

新都縣志

卷三十八

人物

八

兼盡事繼母極孝年三十五陳氏物故族隣勸其再娶毅然曰人生有子足矣再娶何為訓徒課子友教四方務先德行而後文藝從遊者一時稱盛六十八卒鰥居三十餘載初志不渝嘉言懿行士林稱之子汝瑚郡明經汝培邑增生孫超元漢州庠生志白郡庠生

忠義

漢

王 忱新都人嘗詣京師見一書生疾困憇而視

之書生曰我腰有金十斤願相贈死後乞藏骸骨
恠即鬻一斤營其葬餘悉置棺下後為大度亭長
有馬馳入亭中大風飄一繡被復隨恠前恠怪白
令令以歸恠馬主訪至恠所得其狀嘆曰卿何陰
德而致此恠因告以書生事驚曰是我子也遂與
俱迎喪餘金尚存厚遺恠恠不受由是顯名舉茂
才為郿令宿檠亭亭長白有鬼數殺人恠不聽夜
夢女子曰妾夫為涪令之官亭長利貨財殺我一
家十人瘞樓下恠旦召亭長詰問具服罪即收其

新都縣志

卷三十八

人物

九

同謀悉誅之

通志

楊寬字叔仲新都人父斌證令萬世太守殺諷
以忠義壯聞寬為郡吏鄉人馬閏章言太守王方
寬與兄偕詣獄證之得理後方遷南郡閏復章之
寬乃發閏臨私事閏伏罪友人汝錕為張明所殺
寬怒縛明送錕家使自謝之也

華陽國志

王累新都人州牧璋從別駕張松計遣法正迎
先主主簿黃權諫不納累為從事以諫不入乃自
刎州門以明不可

華陽國志

張任新都人為劉璋將性忠義與昭烈戰屢敗退守雒城昭烈圍雒欲招之降任曰老臣終不能事二主矣城陷不屈死

元

布景範新都人至正進士益涼同知時李額驢侵掠景範舉義兵拒之力戰終日矢盡而死

通志

國朝

許世亨新都人入撫標右營遵例中鄉試武舉隨營効力出師兩金由都司賞戴花翎後授叅將入

新都縣志

卷三十八

人物

十

紫光閣繪像旋補雲貴總兵五十一年臺灣林爽文不法擒逆事竣陞浙江提督又值安南阮匪興師直抵黎城有功

恩賞謀勇子爵五十四年在富良江遇陷奮不顧身盡節陣亡年六十五事

聞卹賞致祭入祀賢良祠世襲壯烈伯爵子文謨由武舉襲職現任福建提督

高傑新都人乾隆二十六年由行伍任城守左營外委歷經訊地防守嚴密拔陞千總乾隆五十

九年拿獲大邑匪民王應龍等奉

硃批此人可嘉欽此旋陞右營守備六十年出征黔楚逆
匪共攻苗寨七處疊著奮勇拔陞梁萬營都司及
達州邪匪作亂率兵攻打血戰三塊石帶傷陣亡
事

聞賞卹致祭入祀昭忠祠蔭子定邦以世職雲騎尉用

孝友

宋

王禹夫字從善新都人持身整竣鄉族稱其孝友

新都縣志

卷三十八

人物

十一

有兄弟爭貲者質於其兄舜夫禹夫曰此非義事
切勿問吾家和氣兄弟聞此急當洗耳矣兄以語
爭者亦感悟退讓聞者悉化為友愛 通志

明

車 政新都人博學隱居父卒政年十四哀毀過
甚死而復蘇既葬朝夕培墳有芝草之祥母病革
祈天減壽益母母果愈人以為誠孝所感 通志

楊維懷新都人從父宦遊扶母櫬歸三峽夜遇羣
賊衆皆逃匿獨守母棺賊疑其有財欲發之維懷

以身伏柩賊殺之沈尸於水母棺得全 通志
吳應祿新都人正德間母與人忿爭因拋石擊人
至死官坐母罪應祿時年十一引罪歸已即受禁
母獲免御史盧雍鞫知其狀釋之 通志

國朝

李秀春邑庠生居家浚泊素性孝友值父瑤染疫
疾屢年不愈嘗欲投河秀春微窺父意出即相隨
一日父疾復發不令子知突出門外秀春覺即隨
後遶追其父已躍入大江秀春救父情迫亦入水

新都縣志

卷三十八

人物

三

被溺及屍出秀春猶手握父衣見者無不流涕

楊 紹字雲錦邑人幼列成均一生孝友人無間言
早失怙恃事繼母極孝兄統亡將子鳳桂承祧原
業新都新繁兩處繼母弟紹產業蕩盡紹更以已
膳田給之紹復傾其產紹終事繼母生養死葬俱
克如禮紹年六十同居共食友愛如初至性至情
無邀名意其餘樂善好施睦族和隣焚券賙恤兩
邑人士咸稱道不衰年六十二卒子殿颺庠生過
繼子鳳桂貢生